

Gvangjsih Minzczu Bau

Cawjguen: Gvangsih Bouxcuengh Swcigh Minzczu Cunghyau Swvu Veijyenzei Cawjbanh: Gvangsih Minzczu Bause Geiz neix 8 banj
广西民族报 Aenhauh okbanj: CN45-0036 B.2023 Nd.5 Ng.31 Liggaueq gvejmaux nienz ndwenseiq cibsam Geizsoq: Gungh daih 3574 geiz

Siz Ginbingz Dungzci 《Lwnh Gohgi Gaglaeb Gaggiengz》Okbanj Fathengz

习近平同志《论科技自立自强》出版发行

Sinhvazse Baekging 5 nyied 28 hauh dien Cek saw Siz Ginbingz dungzci 《Lwnh Gohgi Gaglaeb Gaggiengz》Cunghung Cunghyangh Dangisij Caeuq Vwnzyen Yenzgiuyen bien haenx, mboengqneix youz Cunghyangh Vwnzyen Cuzbanjse okbanj, youq daengx guek fathengz.

Bouh saw cienmonz neix, sou le 50 bien sawgauj youqgaenj Siz Ginbingz mizgven gohgi gaglaeb gaggiengz, ndawde mbanjdi sawgauj dwg baez nduj goenghai fatbiuj.

Gohgi gaglaeb gaggiengz dwg gij giek guekgya hoenghvuengh, gij gvanhgen ancienz. Cibbet Daih Aen-dangj doxdaeuj, aen dangcunghyangh

aeu Siz Ginbingz dungzci guh vaedsim haenx yawjnaek hong gohgi cauhoq dangqmaz, dingj aeu cauhoq guh daih'it doenghlig yinxlingx hwngfat, aeu gohgi cauhoq baij youq aen diegvih vaedsim daengx buenz guekgya hwngfat, cienzmienh maeuzveh hong gohgi cauhoq, gyavaiq doicaenh gohgi gaglaeb gaggiengz, gihcu yenzgiu caeuq codaeuz cauhoq mboujduenh gyagiengz, mbanjdi gvanhgen gisuz saedyienh dwkbyoengq, canlozsing canjyez hwngmoq hwngfat guh hung, gij cwngzgoj cauhoq hungnaek doxceng okyienh, guek raeuz gohgi saehnieb aeundaiej cingzcek doenghbaez caengz miz gvaq,

fatseng bienvraq doenghbaez caengz raen gvaq, haeujdaengz gij hangzlied yiengh cauhoq guekgya. Siz Ginbingz dungzci hopheux doicaenh gohgi gaglaeb gaggiengz fatbiuj baenzroix lwnhgangj youqgaenj, laebdin aen-dangj caeuq guekgya hwngfat daengx buenz canloz, gaemdawz seiqgyaiq seizsei caeuq seizdaih ciuzlouz, gangj mingzbeq le gij diegvih youqgaenj gohgi cauhoq youq ndaw vunzloih sevei hwngfat baenaj, lwnhgangj le gij canloz moegbiu, gij yinvu cungdenj, gij banhfap hungnaek caeuq gij gihbwnj iugouz doicaenh guek raeuz gohgi cauhoq, daezok le baenzroix swhsiengj moq gvanhdenj moq lwnh-

duenh moq iugouz moq, doiq raeuz haeujlaeg saedhengz aen canloz gohgyau hwng guek, aen canloz vunzcaiz ak guek, aen canloz cauhoq gyaepdoengh hwngfat, laebcaez aen dijhi guekgya cauhoq, gyavaiq hwnqguh gohgi ak guek, gyavaiq saedyienh gohgi gaglaeb gaggiengz suiyingz sang, gyavaiq cauhaeb gij gwzgez hwngfat moq, haenqrengz doidoengh hwngfat youh ndei youh vaiq, cienzmienh guhbaenz aen guek ak baenz daihneix sevei cuji, aeu yiengh yendaiva Cungguek doicaenh Cunghvaz Minzczu fukhwng hungmbwk, miz cijdauj yi yi youqgaenj dangqmaz.



Sanhgyangh: Caemh Daiz Doxdax Dinfwngz Guh Caz

三江: 同场比拼赛茶技

5 nyied 27 hauh, Gaiq Daihhaj Daengx Guek Nungzyez Hangzyez Cizyez Dinfwngz Doxdax Gyagoeng Mbawcaz Gietsaiq youq Sanhgyangh Duncuz Swciyen banh, 71 baux senjsouj daj daengx guek 17 aen sengj daeuj haenx caemh daiz doxdax, doenggvaq boiq mbawcaz, fwngez guh caz daengj dinfwngz doxdax, bangrengz daezswng suiyingz gyagoeng mbawcaz, coicaenh canjyez mbawcaz hwngfat youh ndei youh vaiq, haenqrengz doicaenh lajmbanj canjyez saenqhwnq.

(Gungh Bujangh Liengz Siumingz/龚普康 梁秀明)

Bahmaj: Yungh Song Vah Lwnhgangj 《Aen Diuzlaeh Hong Sinfangj》

巴马: 开展“双语”宣传《信访工作条例》活动

Vih cietsaed gyagiengz gij gvanhnen vunzlai ciuqfap sinfangj, roengzrengz dajcauh sinfangj ronghsag, sinfangj cwzyin, sinfangj fazci. Youq mwh 《Aen Diuzlaeh Hong Sinfangj》fatboush saedhengz ndaej hopbi, Bahmaj Yauzcuz Swciyen Sinfangj Giz cujiz haiguh aen hozdung lwnhgangj 《Aen Diuzlaeh Hong Sinfangj》“roek haeuj”.

Baez hozdung neix mbouj doengz

baez wnq, Bahmaj miz Yauz, Cuengh, Gun daengj 12 aen minzczu comzyouq, 30 fanh vunz, vih hawj gak cuz vunzlai lai roxnaj caeuq roxyiuj 《Aen Diuzlaeh Hong Sinfangj》, baez hozdung neix gungh cingj 22 baux bauxlwnhgangj gak minzczu, yungh vah minzczu bae gak yanghcin caeuq ndaw mbanj lwnhgangj, lumjbaenz Sihsanh Yangh miz vunzlai Yauzcuz, Bouxcuengh, Bauxgun daengj, vunzlai

aenbaez gvenq yungh vah minzczu bonjfaenh gangigoj, dingq mbouj rox 《Aen Diuzlaeh Hong Sinfangj》, mbouj roxyiuj. Vihneix, aen giz neix youq mwh guh hozdung, couh yungh Vahyauz, Vahcuengh, Vahgun lwnhgangj, camhcai doengzcae fanhoiz gejgangj, cienzmienh, lai gakdoh gejdooeg 《Aen Diuzlaeh Hong Sinfangj》. Baez hozdung neix gungh lwnhgangj 45 ciengz, vunzlai dingq-

gangj 2000 lai baux, fat 《Aen Diuzlaeh Hong Sinfangj》2000 lai cek.

Baez hozdung neix hawj sinfangj ganbu caeuq vunzlai siusooq minzczu lai doxndei. Yungh vahmbanj, cingzmbanj hoizsoeng gij simcingz dingdangj vunzlai sinfangj siusooq minzczu, sonyinx vunzlai ciuqfap, miz boushloh, vwnzmingz sinfangj, coicaenh minzczu doxgiat.

(Cinz Dayungi)